

Comunu de
Sètimu
Tzitadi Metropolitana de Casteddu
Pratza Sandro Pertini n. 1 09040 Sètimu



C.F. 80004000925
Tel. 070 76911 Fax 070 765687
giassu: www.comune.settimosanpietro.ca.it
pec: protocollo@pec.comune.settimosanpietro.ca.it

CHENTZA DE SI ASSENTAI. UN' OCASIONI PO SI PODI VACINAI, CRAS 31 DE AUSTU DA ORA DE IS 20:00 A ORA DE IS 24:00 ANCA EST SA FIERA DE CASTEDDU

“It's open night. C'mon": est su claim de sa campànnia de comunicatzioni fata da sa Regioni po mèdiu de s'ATS. De oi at a essi in is giassus sòcial istitutzionalis de sa Regioni de Sardìnnia, de ATS Sardìnnia e de su Comunu de Casteddu, po promovi sa data de s'open night vacinali, chi at a essi su 31 de austu, in s'hub de sa Fiera de Casteddu. Gadget coloraus po totus is chi ant a andai a sa fiera, unu logu aundi si tirai unu sèlfie cun s'hashtag [#vaccinati](https://www.instagram.com/explore/tags/vaccinati) e unu dj set da ora de is 20.00 a ora de is 24.00 po unu merì de bivi cun lebiesa, ma sèmpiri donendi a cura a s'amparu de sa saludi, e spreviendi calisiat amuntonamentu.

Sa campànnia "It's open night. C'mon" at studiau una gràfica chi fait s'oghitu a is giòvunus e giovoneddus (intre 12 e 35 annus) chi incora non ant fatu su vacinu contra su Covid, po ddus cumbinci a ddu fai e torrai diaci a fai, in seguresa, totus is atividadis lùdicas, scolàsticas, universitàrias e sportivas.

S'intrada est libera (free entry) fintzas a sa mesunoti, chentza de si assentai. Sa punna est de circai de lompi a unu nùmeru artu de giòvunus, pruschetotu sa fàscia 12-25 annus, e ddus cumbinci a si vacinai, cun unu stili, de sa promo, chi arremonat cussa imperada po is eventus de spàssiu improntaus po is

giòvunus etotu, fendi passai sa chistioni chi sceti su vacinu est sa bia po torrai a una vida normali e a si spassiai impari a is àterus.

A is chi s'ant a vacinai, in s'interis de s'open night, ant a essi regalaus bratzaletus personalizaus, siat cumenti arregordu de una giorronada de importu, siat cumenti balori simbòlicu de testimonia pùblica de su scioberu a si vacinai. “ da [#AnsaSardegna](#)